

Bouw 'n brögk (Heiligdomsvaartlied)

De baoge, de pijlers, de brögk en de Maos.
Veer same, de leefde, geluif, Sintervaos.
Kom mèt, haok aon, geef 'nen aandere de hand.
Same op weeg nao de euverkant.

Canon:

Romeine, Trajectum, vaan hout of vaan stein.
vaan Oos nao Wes, kom mèt ederein.
't Water dat struimp, snijt door Treechter land.
De pijlers vaan de brögk, jao die hawwe stand.
Geluif in d'n aandere, haw hoop en haw mood,
Doeg es Servaos, want dat deit diech good.
Steek oet d'n hand, help mèt aon de brögk,
want wee leefde gief, dee krijg leefde trök.

Majeur:

Want 't is de brögk die us verbint
Bouw mèt, geluif, en vleege mèt op de wind.
Geneet en vier, zeuk troes es dat moot.
Aon d'n euverkant, dao kump alles weer good.